

diese sachen uf ander wege zcu bestellenn antzutzeigen. Und was ich dorauff vor antwort ubirkum, sall euch unvorhalten seynn. Sulchs hab ich e. e. und a., denen ich zcu dienen willigk und gevlossen, zcur antwort nicht wollen vorhalten.

Datum auffm Petersberge sonnabent nach exaudi des XLIII. iars.

Wolff von Grunerode, vorwalter des Petersberges. 5

Dem erwidrigen, achtbarn und hochgelerten hern, hern rector, magister und doctorn der weyt berumbten universitet zcu Leiptzk, meynem gunstigen herren und freunden.

## 427.

*Die Universität bittet Herzog Moritz zu verordnen, daß ihr die Zinsen aus den Einkommen der Klöster zu Pegau und auf dem Petersberge an den dazu bestimmten Terminen regelmässig ent-* 10  
*richtet würden.*

Leipzig, 1543 Mai 14.

*Hdschr.: Or. Pap. Hauptstaatsarchiv Dresden Leipziger Hündel 1422. 92. 1507. 1541—1551. 1553 loc. 10532 fol. 294.*

Durchlaucher hochgeborner furst. E. f. g. seindt unser | unterthenige und willige  
dinst zu vorinn. Genediger herre. | E. f. g. bitenn wir zu wißenn, nachdem dieselbde | 15  
e. f. g. zu furderung gottis eher und seins heiligenn wortes und auffnehmung der iugenth  
in die universitett alhier ierlich zweytausent guldenn, halb uff Michaelis und halb uff  
Walpurgis, auß denn beiddenn clöstern Pegaw und Petersberge christlich und genediglich  
gestiftt und darneben wie die in die lectores in allenn facultetenn sollenn angewant und  
distribuirt werdenn vorordennt, als habenn wir demnach zu unterthenigem gehorsam 20  
und gutenn anfangk die lectores noch unserem vormugen vleißigk bestelleth, die auch  
nhumals ein ihar gelesenn, guter zavorsicht, es wurden uns die vorwaltere berurter clöster  
noch e. f. g. befelch uff beide termin unseumick enthrichtenn. So seindt wir von dem  
uffm Petersberge mit dem ersten termin, der uff Michaelis anno 20. XLII fellig, mit der  
bezalunge biß uff ostern uffgehaldenn, dodurch die lectores, so von ostern biß uff 25  
Michaelis anno 20. XLII gelesenn, dero soldes dorinn Michaelis fellig allererst uff itzige  
ostern bezalt seindt wordenn, und weill der ander termin negst vorschinnen Walpurgis  
auch vorfloßen und uns die lectores umb iren soldt, der itzo Walpurgis vordinth, ange-  
lanckt, habenn wir beiddenn vorwaltern uns die vortagte summa zu erlegenn derwegenn  
geschribenn, dorauff sie uns die hierinne beschloßene anthwort gebenn. Wan dan die 30  
bestelten lectores zum meistentheill notturfftig und one das sich hie nit zu erhaltenn vor-  
mugenn, besorgenn wir es möcht ein stopffung der lectionum gepernn und zu vorsaumung  
der iugenth und zu abnehmung der universitett gereichenn, derwegenn bittenn e. f. g.  
untertheniglich, sie woldenn genediglich durch die ader andere wege vorordenenn, domit  
wir uff iden termin unseumick enthricht gelerte leuth bey uns erhaltenn unnd e. f. g. 35  
gutenn ordenungen bestendig nachkommen moge werden. Das woldenn umb e. f. g. wir